



IMPLEMENTERING VAN VLAK 3 WATERBEPERKINGS

Swartland Munisipaliteit het vlak 3 waterbeperkings goedgekeur met ingang vanaf 1 Maart 2017 tot verdere kennisgewing.

BEPERKINGS VAN TOEPASSING OP ALLE KLIËNTE

- Die natmaak/besproeiing (met drinkwater vanuit die munisipale stelsel) van tuine, grasperke, blombeddings en ander plante, groentetuine, sportvelde, parke en ander oop ruimtes word toegelaat slegs voor 08:00 en na 18:00 en slegs deur van 'n emmer of watergieter gebruik te maak. Die gebruik van tuinslange of outomatiese besproeiingstelsels word verbied.
- Gholfbane (slegs ten opsigte van setperke), skole, opvoedkundige instellings, kwekerie en kliënte gemoeid met landbou-aktiwiteite word vrygestel van bogenoemde beperking, maar word aangemoedig om water spaarsamig te gebruik. Waar moontlik, moet van alternatiewe bronne gebruik gemaak word.
- Alle eiendomme waar alternatiewe, nie-drinkbare waterbronne gebruik word (bv. opgevangde reënwater, gryswater vir hergebruik, behandelde afvloeï, fonteinwater, syfergate en boorgate) moet seker maak dat toepaslike kennisgewings aangebring word wat duidelik sigbaar is vanaf 'n publieke deurgang.
- Die gebruik van drinkwater om harde of geplaveide areas af te spuit is verbode. Gebruikers, soos abattoirs, voedselvervaardigingsindustrieë, industrieë/kontraakteurs wat water gebruik om vir verwerk of soortgelyke behandelings voor te berei, sorgfasiliteite en dierskuilings word vrygestel van hierdie beperking, met die voorbehoud dat (1) geen watertoestelle onbeman gelaat mag word wanneer dit nie in gebruik of afgeskakel is nie, en (2) alle tuinslange toegerus moet wees met 'n outomatiese selfsluitemeganisme en/of hoëdruk spuitmeganisme (WAP). Die gebruik van hoëdruk spuitmeganismes (WAP) is verpligtend indien water gebruik word om vir verwerk of soortgelyke behandelings voor te berei.

BEPERKINGS VAN TOEPASSING OP RESIDENSIËLE KLIËNTE

- Die was van voertuie en bote (met drinkwater) word toegelaat slegs indien 'n emmer gebruik word.
- Die opvul van swembaddens is slegs toelaatbaar indien die swembad 'n bedekking het. Geen outomatiese opvulsisteme word toegelaat nie. Nuwe swembaddens mag slegs met alternatiewe, nie-drinkbare bronne gevul word.
- Die gebruik van draagbare speelswembaddens (*portable pools*) en glip & gly (*slip & slide*) opblaasbare toerusting word verbied.
- Kliënte word ten sterkste aangemoedig om waterdoeltreffende onderdele, toebehore en tegnologie te installeer om waterverbruik by krane, stortkoppe en ander loodgieterskomponente te beperk.

BEPERKINGS VAN TOEPASSING OP NIE-RESIDENSIËLE KLIËNTE

- Kommersiële motorwasbesighede moet voldoen aan beste praktyk industriënorme vir watergebruik vir elke motor wat gewas word.
- Informele motorwasbedrywe mag slegs emmers gebruik en nie tuinslange nie.
- Die gebruik van pasgemaakte bedekkings vir publieke swembaddens word sterk aanbeveel indien prakties moontlik.
- Outomatiese opvulsisteme vir swembaddens word nie toegelaat nie.
- Gholfbane, sportfasiliteite, parke, skole en opvoedkundige instellings mag nie nuwe tuine uitlê (landskapering doen) of sportvelde aanlê nie, behalwe indien dit slegs met nie-drinkbare water besproei word.

WATERKWOTAS

Die waterkwotastelsel word gestaak. Kliënte moet egter kennis neem dat die waterverbruik van alle huishoudings en besighede noukeurig op 'n maandelikse basis gemonitor sal word. Die Munisipaliteit behou die reg voor om *Aqualoc* watermeters (wat daaglikse verbruik reguleer) te installeer in daardie gevalle waar water misbruik word.

IMPLEMENTERING VAN VERHOOGDE WATERTARIEWE

Die volgende tariefaanpassings sal geïmplementeer word ten aansien van huishoudelike verbruikers in die Swartland munisipale area, met effek vanaf die diensterekening wat gedurende April 2017 aan verbruikers gelewer sal word vir betaling teen 30 April 2017.

	Tarief per eenheid (kl)
0 tot 4 kl	Gratis
5 tot 25 kl	R14,60 plus BTW
26 tot 50 kl	R20,10 plus BTW
51 kl en meer	R31,12 plus BTW

Ten opsigte van besighede (ingesluit skole, regeringsinstellings en sportklubs) sal die volgende tarief geïmplementeer word met effek vanaf die diensterekening wat gedurende April 2017 vir betaling teen 30 April 2017 gelewer sal word (d.w.s. ook ten aansien van Maart se verbruik): R20,74 plus BTW vanaf die eerste kiloliter verbruik

BOETES

Benewens 'n hoë diensterekening vir watermisbruik, loop verkwisters die risiko om beboet te word vir die oortreding van enige van die beperkende maatreëls hierin. 'n Boete van R300,00 per oortreding sal geld. Die boete mag moontlik binnekort verhoog.

SLUITING VAN MUNISIPALE SWEMBADDENS

Vanaf 1 April 2017 sal alle munisipale swembaddens vir die publiek gesluit word.

AANSOEK OM VRYSTELLING

Kliënte met spesiale vereistes mag by die Direkteur: Korporatiewe Dienste aansoek doen om vrystelling van die waterbeperkings. Besoek ons webtuiste (www.swartland.org.za) om die aansoekvorm te bekom.